

七



湯養仍先生集

慈谿胡亦堂選輯

古樂府

煌煌京洛篇

高宇何玲瓏煌煌耀遠空重玄結廣闕太紫法神宮八水
連雙室三川并九巘春光駘蕩際人氣合懽中柳拂金池
灑槐紛玉樹葱盡傳天祿火還注渴烏銅華轂驚流水香
裾亂晚風五王方註籍四姓又交通兔集名園盛貂開右
第雄長材尊伯始名士得崔公並俊鴻都業猶誇馬上功
何如三徑客零落在秋蓬

上之回

翠華中極駕赤羽上之回細柳龍堆塞長楊虎落開玉雲

浮菴若金霧靄蓬萊便逐陽鳥去何當天馬來

新汲

銅瓶受五升青絲三合繩蕩入甌扁裏蓮花發古青

五言絕古

信陵君飲酒近婦人

魏國乃爲累萬古悲公子世上無神仙英雄如是苑

臧子源爲張超苑東郡

討卓氣已震拒袁心更悲但爲所知苑寧問所知誰

司馬德操謂龐德公妻子作黍元直欲來

世亂難爲士存身各有致鹿門一輩人未測語何事

魏王分香

事業易委謝恩愛難消沉虞歌與戚舞英雄同此心

七言古風

觀趙郭里小圖爲汾源郎中作

太原渡江入西越盡寫家山向雲闕去年臥閣披此圖展
轉續繙傾欲絕河橋月出樹陰開楊柳灣西映淺苔漁歌
暝泛一潭竹牧笛春殘半樹梅清暉古寺寒鐘影經臺漸
出西南嶺粗知到漑近禪林却笑潘安長騎省君家上世
每逢僊賣藥藏書此洞天蚤晚過遊草市里春秋得上斜
林叶君不見語兒溪邊女兒語越國夫人越溪女又不見
石門帳殿起烽煙中州一地小如錢何似洛川諸父老長
年如畫太平年

觀閩海游徵君南陽草屋圖歌

西牕颯雨寒秋燈蘓蘓海屋疑掀騰乃是丹青拓雲樹襄

裳欲往殊不能但見蒼松翠竹珊瑚幹遠氣冥蒙幕天半
南溪煙月影恒流北嶺雲嵐光不散就中有人托寄遙不
愛寶珠但織蕭令子抽書作郎吏當時習隱相漁樵須知
鹿門能貴身不羨隆中長嘯人出門慷慨亦閒事君不見
無諸臺畔海生塵

渤海臺歌

東海張公比舍郎高柳垂垂拂我墻念此清光常過我自
言濱州有草堂鹿苑香臺重此有中勝遊堪着酒興會
當前直自豪能添醉色春雲高歌聲舞影大好地歷落昇
藏隨所主時見藤花落酒杯蒼雲掩靄幔亭開睥睨壓雲
寒大澤蝸蜒每見蛟龍跡月出臨窺下深黑隱映樓臺樹
光夕別有幽人行歎息問君解纜歸不得君今過家當入

朝我家飛館蔭河橋江南橘香送君有剪致猶餘青葉條
鄉心滿眼寒溝潮太平郎吏宜逍遙君不見魏之干木秦
茅焦

鳳臺同人望句曲

金壇陵西六十里岫穴層連曳句已青芝碧檢搖春林夕
露朝煙霏靈蔬陵煙雨青冥開江岸迴帆颺落梅世路
悠悠忽不愜爲惜仙人長生杯樓臺罷望青歌歌珠牕掩
映仙桃發方看石道起雲霞試與松門弄煙月君不見秦
皇嘆息東遊來伐鼓鳴鐘山谷哀美玉未斷真人氣幾度
登臨愁鳳臺

送安卿

明星祠前夜通火此外祠官閉壇坐白日風塵橫直遊只

似安卿無不可安卿此時三十餘未三十時金陵居去今
十年始相見試觀太學今何如當時禮樂從寬政三山陌
上繁華盛莫言槐市富簪裾且說蘭房襍衣鏡五陵年少
宿青臺一歲煙花幾度開驕驄逐處尋人去鸚鵡排門喚
客來是日新粧殊可動高樓大道連雲棟別有妖姬不見
人動爲安卿出迎送迎如新月送如雲尋常貪着茜紅裙
揚州太舸歌將去天下風流妬殺君爲問佳人近佳否桃
葉渡江此來久詢知此地舊繁華不似從前盛花柳花柳
迎春不貯春舞榭粧樓貼向人亦知遊子偏多病未許逢
人卽若貧安卿詩人亦畫史翩翩世上佳公子釣魚巷曲
水亭幽隔水平衢入花裏世路蕭疎君得遊一行作吏只
關愁春色明年亦如此昨日悲秋今憶秋秋盡雲寒菊有

花吳山惠水是君家不惜秋光與君酌水氣城陰生暮霞
人生對酒莫咨嗟月露花陰判不賒有興調南就明燭時
從拂袖枕烏紗君不見胡繡衣陳寶雞此時但附要離塚
何曾一醉太常泥一醉城頭烏夜情滿船燈火送安卿不
憂清客隨潮去自有諸郎能夜行

養龍歌送謝玄端吳越遊兼呈郭開府

君不見養龍之墟有龍窟雲霧晦冥龍子出首高九尺長
丈餘汗花如雲氣騰勃何因英物得有二不可控御初滅
沒久乃馴習如遊龍清涼山中來九重皇帝賜名飛越峰
煙綃貌取雲溶溶神奇會合自有數沙苑萬里隨遭逢鳴
呼貴陽謝生美如此齒至龍媒尚邊鄙譚深具曉經畧材
世淺安知遊俠旨江湖放客心盈盈吳越懷人春霍霍爲

君一擊珊瑚樹壯不如人今老矣君不見黔臺水鏡留青
螺一人知已將無多豈是漢家天子遠相致辦作芝房天
馬歌

送葉納庭令福山歌

池上芙蓉枝臨流映高潔豈不懷清霜幽意自相悅周旋
未云久忽此新橋別江南氣猶燠度淮天欲雪今去難當
行路何前來正值流人多詔書絡繹頻經過縣官踏促惟
催科男兒不肯負心仰天歎河陽海曲長奔波我昔彈瑟
括蒼曲十載田園媚松菊稚子告予君欲行忽忽鳴騶思
出谷把酒搔頭臨近關鴻雁天高叢菊斑年來有興蹈東
海與君一望三神山

六月晦後池作

眼見逶迤白日次第西南遊彤暑雕雲真坐憂今日未秋
殊覺秋嫋嫋秋風來水頭上我池邊竹裏樓玉繩明星炯
炯正銀漢長雲轟轟流良夜一往何綢繆亦有金管南鄰
吹未休夜黃翔水際晨風颺道周豫防珠露下何言玄鬢
稠今宵空對可憐好後夜相思直欲愁

五言古

占仙亭晚歸

青陽滿川臯白日開林澤石廂未窮探玉筍始留迹偶從
軒老遊遂作麻姑客道館息雲裝閑亭振金策陰溜響猶
奔陽嵐翠相迫連隧轉風光紛阡散雲液張中樹華黍隴
上秀苗麥妙籥苦無停雜塵動有役寧辭變昏景永籍棲
營魄浮煙竹底青霽月林端白荔葉未云貫蘭茗庶堪摘

既近淮南井復是羅含宅未獲了銀丹且言駐金碧

除夕寄姜孟穎戶部

除日已無歲來朝庶有春悠悠同軫內豐豐殊途人良時
不蚤建憂來逼我身君今在皇路就列理宜遵豈學浮游
者徒霑京路塵

寄戶部周元孚

悠悠江漢涯恢恢南土垂誰謂一帶水契隔兩人期相期
不能邁有夢詎能知龍角睽已且鳥羽欲成飛朝霞耀叢
薈甘泉誰所聆願備五色雲夾日向中馳

逢南都張覺玄麻姑山中從余來華蓋便辭去遊河

關

公超起雲霧道術何紛紛鳴琴讀素書清香開自焚今君

美遙胄帝鄉乘白雲好我龍虎山來茲醮諸神絳幘天蓬
下蕩跌浮雲氛東南要麻姑去看滄海塵南問南岳君乃
是魏夫人銀筒闕丹藻綠蘊有書存手携山海經決絕從
崑崙善易苦不談微言多義根而余方閉關控鶴難拏援
因君問斗牛幾日渡河源

代馬吟爲劉石樓作

代馬吸靈泉化作飛龍姿蘭池照朱血騰光何陸離一沾
紅陽秣牽纏苦長垂太行相跪局睨影高鳴悲熒熒星月
精齒至自有時果遇秦青子拂川崑陵池

哀宛溪梅大叅

芳臯閱逾歲青籥何飄逝宣州見梅叟遺榮拂光袂敬亭
追當日往往有佳意紫閣上蒼層阡岡緬迢遶悅耳來風

望在眼紛雲荔體素浩無緇翰墨時有制要欲投余佩澹
澹長洲世人生有朝暮物故無形勢玉屑留餘法金書罷
良諱風月倍關愁山川若遙睇愛我茂松深寧人宿草翳
灑落喬公言清芬阿戎契寶劍復何爲玄臺已高閉

寄沈君典

落日反青岡寒煙起桑柘白鳥川外明南帆捲將夜問我
所思人葱芊敬亭下壯武識龍文隱侯居僕射胡爲息陰
蚤東臯耨時稼悠然春芳意寧惟長聲價春穀美山泉願
言同結架山陰一夕棹河內千里駕不惜過新林邈矣宣
城乍

下關江雨寄太平龍郡丞

涖涖春流驚條條檣索鳴天意豈有端倏雨無恒晴浮雲

積山曲紛煙冥四瀛空江寡人務惟聞波浪聲淋滲鶴子
迅淡濫羣鷗輕刷咳抵蒲間幕類求相迎而余獨無侶不
及春禽嚶寂寞傍商旅浩歌難自成
空江泊旅愁道阻南風作黃山咫尺地遙遙徒心托憶我
舊行遊浮榮散飛藿燕陰遲亭闌歌呼事如昨桃葉渡江
水春光濃未薄纏綿十日醉決絕千金諾德義毀無傷親
支戲非虐念此悵悠悠相思一以博
束髮被公正少小服詩書慕義申懇欵結思尚玄微精誠
諒有鑒振羽來天墀翰音不可聞毛理未成蜚默默不自
白悠悠君詎知暄涼人未異心迹自先違爲德苦難竟叔
牙我心希

七月四日天晴步出城西門望紅泉寶蓋折北而東

廻翔沙際見枯骨兩條淒然瘞之

方秋涼可逝曳履城西斜止謂可娛悅顧見成谷嗟枯骨
遺者誰撐柱委河沙未歸魍魅室空成螻螿糾生前好肌
理去後隨鷓鴣有形尚消靡安知魂魄涯人世露栖草人
生風落花好惡有同盡賢聖詎能賒子今離綴宅余亦昧
專車相逢卽相主誰復問其家

紅泉卧病懷羅浮邗衍習

臥病紅泉石心在朱明山相思誰謂遠不出海陽關憶在
彭城西同爲冰雪顏東行遊岱宗颺輪邈難攀遠士自舒
卷小人故不閒風雲不可期猶思齊魯間雨散一杯酒徂
春及秋闌木葉下前除紛紛載愁端蟋蟀吟秋燈心驚形
影寒我思在羅浮四百幾峰巒躡嶺絕飛雲極目層波瀾
扶胥浴陽德石門鎖奔湍魚龍互聾取蜃霞相鬱盤玉草
與珍禽俱希世所觀意欲從安期往結天人驪其如道阻
遠預愁適海艱邗生有靈氣葛洪遺紫壇海棗足朝食沉
瀝飽宵食蒲澗豈空設桂嶺不虛懸相將敦友道爲我且
停鸞

寄伍貴池

我昔乘長風掛席弄雲海白浪吹鯨鯨三山去何在側瞻
吳會雲容容動光彩輟棹池陽泐南山翠崔嵬連岩潤虛
豁立石互奇磊九華旣遙睇三秀亦茲采淹觀步難舉催
歸意彌息杳爾謝崑墟猶然布硯礪如何純白姿翻令坐
塵猥徒貽山鬼誚安知谷神待惟餘玉鏡潭雙清貴池宰

寄宣城梅禹金

吟君白岳詩坐我青州榻宴舞迥紛妍倡歌筵叢雜曲閣
俯連墉懸簷寫飛塔雲戶靄青衿煙霄醉絳蠟誰言星壤
殊弟見風期合去夏緬成陳茲春又徂臘意態頗蟬連年
華天躡馭春穀自縈秀敬亭空合沓舊令苦難期新林詎
堪踏擬得四愁詩會情違君答

與陳汝英送帥郎中夜飲宿正覺院

蒹葭久已霜茂綠成素瑟人生各有適白日當遊佚星郎
旣靡鹽軒車豈遑逸語然趣非殊泥塵道亦一安知偃蹇
性祇苦法度嫉陳氏盛貂璫吾兄自奇質向賤息歸軒開
燈坐玄室芳蘭對君酌相期乘風實

聞張舉主來南操江憶九江時

憶昔豫章門陽林啓丹旭遭逢予和手會采楚山玉拭目

賦時宰清商著繁綠雖非絕世音苦逢知者欲纏綿會非
偶逅邈歡寧足結愛又生離坐見思來東蛾眉不取揚翠
色憂爲辱空堵企良訊連廊度幽躅淒風櫟樹響朱光棄
人酷向夕掩雲屏沉思淚如燭

寄南京陳侍御東筦

熒熒南海珍英英伯臺俊執法應星聯惠文同霜震神理
脩高奇鑒局明冲濬方希玄豹冥在物遠愆吝衆生良匪
難烈士故有殉安知采色渝但覺青陽迅屠龍我亦迂彈
雀君宜慎相對結筠心終知契蘭訊

逢採藥關外

夏公非韻淺孫生乃思沉處處可采藥何爲來上林昔來
當夏首今去欲秋深肅氣豈不蚤叢灌有幽陰穠條俱下

靡弱蔓且傍尋傾崖隱蟬唱列隧繞虫音在客豈無時一
再食林禽思我家園中榛蕪常見侵懷香不可問遠志復
難任

雀兒行

薄遊魯陽穀信宿田公廬道逢一童子手提黃口趨問從
何方來答言從樽榼登嬉發其戶母出子見拘直用克狸
脯不足奉賓厨音聲何啾啾魂魄在湏臾觀聽發三嘆爲
乞此兩雛答言無所歸巢傾母已無放之不能去空爲大
鳥舖屏營作方畧削楷以爲樞籍以翠枝葉安設牕前隅
飲以冰盤水飼以紅粟餘惠養豈不至野性終踟躕兒童
愛觀美長者意自殊羽翼自成飛但往不復呼

陽穀主人飲

蕭蕭河上遊日暮風塵吹何意客陽穀一得坐茅茨前扉
眺南雲後牖延北颺幽樹蟬鳴中稍與氣味宜主人重風
義斗酒相過隨時時道風俗間禱以書詩想念家田下風
義亦如斯蕭曠樂斯土奈何當見離勉身一從秩不獲戀
所怡旅翼終南飛徘徊經差池人生苟有情夢寐嘗遊茲

復上懷右武淮揚

約結竝倫品初願難竟程浮游滄海姿相期東南征秋風
亦已肅秋河亦已晶庭樹稍靡靡堦草且熒熒經過但言
賞寧知秋士驚丁生自言剛聊爲此所縈佩珠思漢女鼓
瑟懷湘靈沉回自有托搖落詎能平旁人得一官不殊兒
見飭豪情自滔蕩豈在束塵纓念與君遊時出谷鳴初鶯
如何復陽道獨聽雁悲聲

送鄒爾瞻吏部

蕤蕤青鳳臺，裊裊嘉林枝。嘉林有餘蔭，孤鳳無停姿。予本都人士，獲此映光儀。昔來楊柳津，今歸沅火時。遊旋及多暇，琴尊良寄茲。高張不可常，逶迤非我思。山川時出雲，中和爲德滋。一節趨以晚，刻宿光何遲。美人常滿堂，目成今復誰。徘徊德音遠，何以慰參差。

江館憶別蔡青門

春華殊郁灼，江館憶凌波。花源漁父入，蘭渚楚人歌。豈不懷芳遠，徒令春望多。鳴琴風色麗，卷幔煙光和。江湖一尊酒，持許寸心過。

飛霞閣夜宿送冷道人遊嵩丘

天宮吐春霞，陽華朝隱屏。似有采真人，冷冷向虛境。開書疑杳冥，清虛意言領。會逢赤熱侵，當風扇猶秉。人生正危淺，驕陽復茲逞。稍稍映虛真，習習襟期冷。居然朝市中，咫尺揖箕穎。願擊青荷衣，隨颺散蘭省。屏營坐星夕，倏颯煙裝整。滌蕩中嵩雲，轉側關河影。流連及滄煙，江湖寄千頃。

送武部周元孚歸黃州

淵瀾伏潛龍，風雲翔翠螭。俛仰各有致，浮沉中自知。楚客詠蘭芷，江煙渺佳期。及此晤言笑，已惜青春時。我心殊鬱陶，世路良參差。關河氣未死，江海人猶饑。王氣緬終古，于心常在茲。武庫新畱使，羽林舊孤兒。畧約未敢問，精整存。有司當官廣，有人須材今。復誰君當江陵，相天出蚩尤。旗契澗上封，事的礫施顏。睂長星十年後，泥人千里思。邊風雁門影，海氣青田姿。賴有董夫人，雅爾精文詞。奉倩感傾

城安仁惜瑤姬，淒遲長路意婉戀。洞房私有情，能不極多才難自持。秋色何蒼然，懷人益淒其。風塵淮楚路，煙波河漢涯。誰能却世紛，願言顏髮滋。

江樓曉望同劉司業鄒吏部

夜色明江樓，月露泛清瑟。俯念光響流，仰瞰星河溢。徙倚未能寢，昏旦一何疾。空波滅餘霧，高臺障初日。惠風襟帶間，泠泠清意出。

杪秋度嶺却寄御史大夫朱公王弘陽大理董巢雄

光祿劉兌陽司業鄒南阜比部五君子金陵

素秩守山陵，積歲在星祠。如何別君子，垂雲簸天池。清齋出君門，尊酒各前辭。婉彼蒼蹊奏，澹然蕭湘姿。迴風吹千里，寒生青桂枝。冥冥水波遠，日暮心欲悲。宮闕有明雲，嗟峨氣依微。五嶺望超忽，叢山阻容與。垂牙夾我吟，蜚翠拂蘭漪。嘆息綿蠻詩，凌風以高馳。問路逢流星，寄言河漢私。閔嘿路方始，嬋娟知爲誰。千秋有佳期，顧盼聊自希。

靈洞篇呈趙太史蘭陰

赤松隱靈勝，寶婺明清淑。芊綿步東迴，鳴泉亂松竹。五壑氣專一，巖空臨下矗。兩華石乳滴，日氣丹芝馥。蕪沒半千歲，始獲第三谷。太史此藏書，江潭遂初服。撤講金華殿，試結蘭陰屋。激耳泥風鮮，過眼歸雲熟。夜明山氣深，巾帶坐如沐。吾鄉張與鄧，于茲信言宿。雲跡各飛眇，世事有牽促。出山亦偶爾，幽意豈忘目。流想青桂遲，無因反巖築。

顧膳部宴歸二十韻時大水饑

華桐枝乍滌，叢蘭氣方燠。齋房常自清，登臨每傷獨。同人

風義生命我春清熟新雨道無人越歌山有木甚設苦難
常爲期省相速豆間依古禮坐次隨年錄素盞溢芳温青
蔬禱蘭菊無事極脂膏風斯映明淑留連清夜沉偶嘆春
年肅河北人猶流江南子初鬻行人深掠食縣官租賦粥
微祿幸三飽清齋休五肉秀麥候皇貽芳粢悵神牧一人
同向隅辭觴敢嘖滅燭步除陰明月陰深竹風庭猶數
杯淋浪自相逐金柝夜沉沉玉街清瑤瑤還齋深思餘倚
檻端居伏風露藹延和啜茗殊清日向署首明祠靈妃方
捧祝

送汪仲蔚行藥匡山

長陵美雲氣日至候靈飈神臯方晡霜祠署肅嘉招如何
侍清刻不見子風韶青青能幾時林寒芳意銷滅燭動孤

寢山川殊未遙方深子牟嘆非忻園綺超寂歷有寤語棲
遲成久要出自嘆西門南望石城橋的的芳梅萼猗猗嘉
橋條雖無玄朔姿庶以南國標何爲來水裔倏忽在山椒
終知及遲暮聊用永今朝勉爾山中人當知予寂寥

送范敬之郎中奏滿便遊匡山

受命鍾陵下杳曖蒼梧間清齋隔浮世道書尋素顏徃徃
應鄉語時時留子飧君容何樸櫟君心殊蕙蘭雖沉中聖
答彌著獨醒言塵情若飛葉素愜乃泥根忽聞當北陸奏
秩且南轅初春集廬嶽晏歲及家園家園日月晚廬嶽煙
雲繁出山苦不易入山良復難願言勗幽躅無令芳緒殘
送汪汝立郎中奏最兼懷吳幼鍾馬長年

京華今幾時當君客淮上方爲賢主人夜月隨官舫浣此

客心憂清光與浮蕩素惟風義佳轉愜神情王所知新太
宰吾師今副相人生豈無涯世法各有當緬君蒼素姿暑
路風塵傍不知歸皖否可悉吳生狀前觀乞米帖君歸與
籌量無令卒饑死負此時賢望此遊君有人猶龍馬生壯
此生好馳馬吏事能精強嚴役在江嶺還都足酣暢日氣
清江陰煙花綠蕪漲但去勿徘徊長安心所向

青雲亭上作

孤生玩玄滌風標好弘獎遠懷塵外蹤乍此空中賞亭隧
遠阡綿川阜歷遐廣曖曖見人煙蕭蕭覺林響野牧散垌
堤巷犬鳴墟壤綠水蔽荷蕢原畦半菰蔣南郭坐來清西
山幾時爽雲深山鬼暗風輕谷神敞虛夷故有適靜寂寧
無想青雲恒不成白髮偏能長世網欲相嬰幽人自茲往

穆天子

穆王駕白鹿西飲樂八泉盛姬誰家子婉孌隨周旋朔風
吹羽獵重臺障嬋娟盛姬忽告病天子益悲憐寒暄渴莫
飲虛此進壺輻迴望樂池南哀響震窮天百物在明器千
官虞夜筵流星日月旗鍾鼓送行旃所次卽傷心爲語輒
流漣如何西王母白首佇雲煙君看偃師伎徒言膠漆堅

戚夫人

寶劍決雲氣凌厲亦何常不見沛亭長一朝爲漢皇昔從
呂公女今奏後宮倡中有戚夫人時時陪曲房折腰步天
裊翹袖頓飛揚後宮齊高唱哀響入雲翔終日不能言倚
瑟涕何長心知萬歲後誰能憐趙王此意常夢寐佳苒空
懷香

亂螢飄習習蟋蟀悲何急納納羅衣裳冉冉淒風入獨坐
渺無言自起闌干立

彩筆峰

五指發高華地脉凌飛遠建江輝藻筆茲峰實奇矯突嶂
抵層雲銛巒撥飛鳥葱龍石笋大刻削蓬峰小翰林爲主
人含毫相緬緲懸知東壁夜直拄南雲曉時時几研間倒
影來青嶠何來玉宇書從崢嶸映華表

茶馬

秦晉有茶賈楚蜀多茶旗金城洮河間行引正參差繡衣
來漢中烘作相追隨以篋計分率半爲軍國資番馬直三
十酬篋二十餘配軍與分牧所望蕃其駒月餘馬百錢豈
不足青芻奈何令倒苑在者不能趨倒苑亦不問軍吏相
爲漁黑茶一何美羗馬一何殊有此不珍惜倉卒無留須
健兒猶餓苑安知我馬徂羗馬與黃茶代馬求金珠羗馬
有權奇代馬皆駘駘代強掠我羗不與之驅除羗馬亦不
來代馬當何如

胡克遜

人言西北邊有獸名爲遜性不喜獸闔遠巡解其困獵者
知如此設闔日馴近相愁來解紛陰適此人亦食肉寢其
皮似貉花文嫩西州貴將吏茵褥厚常寸萬萬笑何憫猩
猩啼莫恨此獸仁有禮錯莫身爲殉世有麒麟皮爲鞞復
何問

達奚司空立南海王廟門外

司空暹羅人面手黑如漆華風一來覲登觀稍遊逸戲向
扶胥口樹兩波羅密欲表身後奇願此得成實樹畢顧歸
舟冥然忽相失虎門亦不遠決撤去何疾身家隔代漢孤
生長此畢猶復盼舟影左右霧西日嗔勾帶中烈嘲隴氣
噴溢立死不肯僵目如望家室塑手一何似光景時時出
墟人遍香火陰風吹啐啤上有南海王長此波臣秩幽情
自相附遊魂知幾驛至今波羅樹依依兩蒙密波聲林影
外簷廊暝蕭瑟

衙岡望羅浮夜至朱明觀

炎方已中冬氛氲煦南巖名山紛我思隔絕遊未擬江海
亦何意謫居欣在此沿廻石灣岸紆舟向南止果得羅浮
狀坡陀蘊靈詭初行坦襟帶平岡十餘里稍入向疇隧夜
雨冷山水木末已褰裳草根半沮履欽嘔豈忘嘆念此孤
遊始朱明洞天口木葉紛旖旎路黑愁堪禽號林隱蒼兕
襟袖石門間餘風徒徒倚

陽江道中

恩春少佳樹向北黯如夕入門問小吏知是蓮塘驛蓮葉
落已久林塘映非昔參星到庭戶素月沾簷隙促織猶在
野無衣念行役炎州少冰雪流光去無迹惟餘千里心聞
房眷幽客

檳榔園

熒熒煙海深日暉無枝林含胎細花出清夏香沉沉千林
蔭高暑羽扇秋肅森仰視垂房子離離隱飛禽露乳春園
滋霜盪紅熟禁落瓜瑩膚理着齒寒侵尋風味自所了微

醮何不任徘徊贈珍惜消此瘴鄉心

讀延庚樓詩有懷臥冰橋李叟示其父所遊知名士
往還詩草成帙吳太守鉞詩最多吳有延庚樓甚
高廣今為他姓有書畫無存而李叟獨念其父所
執珍襲持護模搨整綴使後之人知百餘年間臨
川猶有唐晉人風尚不至以孔方兄驅除子墨客
卿也悲夫吳公為名御史太守稱雄豪當其時視
李生貧老人耳過之酣噉不問晴雨豈不謂子李
生光重乎而卒之其字與文李生之子反能惜而
存之其親子孫至不能存其一樓也歸其帙而重
之詩

吳守宅黃橋李生宿青郊時時五馬來春漿布蘭肴好鳥

無遷枝幽鳴常交交愁霖唱秋水深杯對堂坳字矯若龍
旋詩飄如翠捎置之吳市中生綃泣潛鮫延庚發光響高
樓凌飛颺惜哉今則誰圖書紛已拋李生子猶存鈿軸明
鰓膠翁沓錦雲連磊落珠泉搖始知富貴兒不如貧賤交
君看古名迹常得颺蓬茅

吾廬

大父喜書詩大母愛林地嘉魚薦君子嘉樹引其蘖藏書
倏以火林藻積披離十載居無常辛勤嚴與慈連石構川
崎鑿翠啓堂基四阿長中繩三門映重規文章通舊觀東
井被餘暉出入橋梁望鬱葱佳氣微吾廬亦可愛復此倦
遊時

龍沙宴作贈王翼卿大憲

四明山海區公才發葱蒨英英霞表雲睽睽巖際電都水
從以清太府政猶擅遂乘北垣法一視南洲彥道豈青衿
關風從蘭茝變文章旣在茲典刑復誰先趨風大憲府就
日禪林燕大雅揚濁清深心及疵賤江遠暮帆急坐寂流
鶯囀恒沙虛靄微定沼空明炫真風良可挹沉憂苦難遣
看君凌霄骨今時安可見

答藍翰卿甫中

五十今有餘百歲苦無一榮華悽後雕朋儕感先暱初傷
文賦情久臥燼霞疾所期動蒼莽此意成蕭瑟不謂嶺海
內乃有淵雲出勢與觚稜厲風兼羽陵逸靈光疑以存鮫
珠淚猶溢望遠慚空虛才難懼超軼桑陰殊未語蘭期忍
相失爲恭或師友謬引真憐匹我家銅陵下寒煙生桂橘
麻源動清淺沙城淨微密有客時過門無人相入壺笙歌
幔亭外登高共雲日離居恨伊始長聞見方畢將子尚能
來風斤試靈質

澹臺祠下別翰卿有懷余德父用晦王孫

偶乘桃花源泛此章門水泥泥風雨生浥浥芳華委淒涼
江楚路留連二三子何日能同遊交情及生死翰卿甫中
來風義三千里含情瀟湘素候氣關門紫追趨苦言別興
屬詎能已我心宵河漢世路聊復爾有適動惆悵欲贈姝
倚徙皓鶴下蕪沒青禽啜花蕊矯首澹臺祠空傷昔人美
清遠樓送平昌葉梧弟榦太學上都

門有千里客十年纔一晤倉匆定寒旭造次及盤筯淹留
坐清遠貧病日高倨雨漱寒泉汲風動枯梧據疑析動今

古宴咲連昏曙河梁秋未深脂車良已遽起嘆歸言疾時
看倦鳥翥此中不欲久羈棲復何處涼風卷締絡遠道理
衣絮有美能不懷無勢得相御風煙一時集氣色兩家與
且醉勿復談明朝送君去

喜小江饒翁榛六十

中春步遲日南榮望東里何意竹林塘乃有隱君子結根
旣喬木成蹊自桃李寬如長者容樸爾先民軌屈色小冠
益醉語或玄史時因采藥行每聽吟詩喜榮枯四十載吳
越三千里過從常日夕留連在山水靄靄春洲碧擘擘秋
山紫樂郊多種樹清睡時隱几物知肥遯貴道以觀頤美
方爲少者期

送分
浦歸清流成輔遠遊求應世之技而好語清

任勉之

客從臨汀來長流氣清婉登躋古人事行色千里遠念子
來何遲吾生倏已晚采秀遺春蹊攀蘭及秋畹淅淅草虫
嘆幽幽白雲返風霜遊子衣蒲裨客中飯晤言深贈策時
清動懷卷雅志在山公無爲慕嵇阮

陸元白岳伯宴作

長安曾滿堂良儔秀瞻矚風神傾一座微言謝氛俗宴晤
亦惟常托交心所欲搖落三十載鍾球久未觸惟此君子
心風義一以爲樓觀動相邀巾帶時一束夜寒風雨深洞
涓注醺醪坐惜權時晚起嘆更籌促感君清以疑將來調
玉燭我覲不可常何由奏心曲

東作懷周縣貞明府南昌

達人貴濟世知音常苦稀已然覺今是在往晤昔非雖云
息交樂終悲懷卷遺我有良友人傾筐佇前輝氣茂神理
清襟墟道緒微心常暫所悅目成良可睎握別動盈歲從
遊霜雪霏燈燭醉餘寒蒸燠飢朝饑歲晏難久淹車馬送
言歸歸來垂中春田事遠荆扉野雉旣登隴黃鳥復飛飛
祓絮方及辰臨流振初衣爲問神明宰南州誰見依

上巳前一日永寧寺同蒲中藍翰卿宗侯鬱儀孔陽

孝廉鄧太素

發春如有期扁舟來遊此孤生寡儔寓禪寂傍樓止何意
風雨稠坐見春華駛不言良已深寒洲泥蘭芷同聲百年
內朱門二三子零落在茲辰留連及芳齒念往々無寐欣
來動有以松門留一晤海寂談千里未覺風雅頽仁擘衣
裳起高花動寒色木蘭漾清美開軒邈誰似遠道嗟何已
物感陰晴候人疑盛衰理且就聲聞醉無妨語言綺秉蘭
希茂樹泛羽同流水所幸無俗物吳謳稍清耳蕭條隨曲
終局促非願始

答鄒愚公毘陵秋約

少壯亦如人逶迤成白首終焉世情外知交濶絕久忽忽
遠書至惠我若瓊玖帶鉤水蒼蒼晶暉瑩人手小景縟懷
袖長圖漲軒牖經營位置清拂粹煙雲厚遠意動只尺念
此盤薄久雙詩氣色重招與存善誘頓感新知樂肯負雲
外友春糧白露月發興秋水後垂老樂江湖高歌傍南斗
黃岡西望寄王子聲

白露滴孤城江聲遶秋至心賞不在茲幽芳渺難寄木葉

號蟬悲水荇潛鱗戲日氣淡芙蓉雲陰生薜荔栖栖王子
情默默楚人思未及湘纍醒且共蓬池醉遙松起暝色虛
竹警寒吹物往年歲遷情存風景異樵歌歸影遲新月忽
在地

麗水風雨下船棘口有懷

石城雙水門落日相爲介春潮風雨飛暮寒洲渚帶流雲
蒼翠裏緒風簫鼓外分披悟曾歷合沓迷新屆宿霧緬餘
丘生洲隱逸派地脉有虧成物色故明昧曲折神易傷幽
清境難會不見林中人夷猶空相待

送黃太次上都

久從州縣羈偶爾江湖放生事鮮勤渠朋倫或寬曠身世
杳何存河山輕弱喪豈有新知樂空多舊遊悵忽忽醉言
醒風微似駘宕何來空谷音邀賓與玄暢參星良夜中十
月寒江上風煙良已積江山此彌望叢蘭霜委浥岸菊風
微颺遲雨歲華滋寒香生蕙帳麻源殊可遊靈妃方想像

送魯司農還南漳

上林非一樹逸翮有同林憶昔乘雲翔凝華散簪襟晨趨
建禮月晝息蘭臺陰年髮方向盛意氣亦交深冉冉二十
年悠悠方寸心寸心紆北闕羈孤並南粵枕席氣清遠江
山候明發蕩舟星巖遊留筏海珠歇側影羅浮外灝氣迷
煙月失路自相親况乃在窮髮窮髮盡經過高飛出網羅
新安水清淺括蒼山翠多揆予乖錦製欣子得琴和長嘆
拂缸霓相憐慎風波明玉豈終泣上路君鳴珂鳴珂復揚
汰微書出淮沛三載隔思存一夕良宴會高閣動春酒平

沙方解帶天入斗牛淺地兼江楚大南浦君如何冥鴻寄
江外

哀糜帥

世亂足張功時平寬養望恢恢儒者雄一身屬軍將處勢
辱爲下投巖功始上成事豈因人循聲須本量從來武功
爵二祖或明兩向後多目色豈敢真級仗寄子屬中官籌
邊歸上相紀効非有律置對亦無恙一功性命抵百事金
錢傍此公無中人何得有孟浪我觀賢智人蟻穴存周防
無爲身外謀庶幾省无妄

送方侍御視學西山

新安江水清南國美侍御寶瑟汎春祠舉朝慶清曙偶爾
鏘佩同未有風期素徒持清白心點君簪筆署悠憇思莫

往踟躕眷將去柏棘南臺門桃李西川路禮殿今如何文
學漢宣布倘逢金碧影爲報祠官賦

鬱孤臺別黃郡公鍾梅時李本寧參知引病并懷

遠曙臨高臺清風朝日舒江光麗城闕婉變西南隅原泉
廻豫章雲氣連蒼梧嶺海軒櫺間遠勢若可呼集合五方
人割立四州樞鼓角中天鳴公府鎮文儒黃公所行縣冠
帶十數區于今四三年煙火稱名都廨宇何鱗次人語襍
川途方州仰流粟物土驚華腴信美可以留飄飄安所須
皂蓋吹雲清翠玉含煙蕪炎洲方橋袖高宴深茱萸似昔
黃次公高齋遊鳳雛初矜逐臣遠猶憐仙尉姝佳期晨夕
淹懷人煙月俱搖心躡光景長嘯凌虛無何得此高臺千
秋名鬱孤

北河傷雁付旁寺僧

艤流名石山篙師忽凌亂撐枝何所爲前有失羣雁帖水
沒還出趁逐相流轉垂及稍低飛清波影橫箭幾爲下所
留復爲漁所羨偶隨風勢落安知雲影斷相悲常恐及代
彼作慈觀願依大慈力出箭入雲漢普爲射雁人無生可
令患

蘧庵爲韓求仲

浮生不可待精意良有儲日中必陽燧月下必方諸世人
空有心安知情所餘憤憤青天裏浩歎不可除不如籍高
枕長與神明居懷來隔山海夢去問庵閭試問蘧然覺天
地同清墟

蘧翁予別號也得林若撫蘧翁詩爲范長白書寄謝

蘧翁入壘時絲緒無一縷自分省眠食與世絕筐筥吳門
八蠶地故物復何取忽此枯桑翁謬以鮮華與驚若承沮
渙采拾被蓬旅噓枯施蛾眉存殘惜機杼荀卿誠感賦曼
倩或諧語何得奉珠盤空思淚如雨

七言古

別沈君典

去年三月敬亭山文昌閣下俯松關今年三月馳金轂表
荷徬徬邀我宿妙理霏霏談轉酷金吾箭盡撾更促人生
會意苦難常想像開元寺中燭開元之燭向誰秉君揚龍
生姜孟頴接席催教白紵辭迴船鬪弄蒼龍影一別長干
不見君天上悠悠多白雲衣帶如江意迴絕孤蹤颯颯吹
黃葉遊人得意春風時金塘水滿楊花吹乍一徘徊顧雙

闕西山落日黃琉璃落日流雲知幾處雲花疊綺縱橫去
旦暮惟聞歌吹聲春秋正合窮愁著夫子才華不可當
陽東海並珪璋輝輝書具幕中畫疊疊初登年少場年
少紛紛非一日喜子今朝有彩筆一行白璧自傾城再
顧黃金須百鎰吏隱郎潛非俊物誰能白首牽銀紱桃
花李花一路開晴煙還映春絲碧春絲引颺雲霞鮮青
雀遙飛爐中煙江南人歸馬翩翩金陵到及鱒魚前天
地逸人自草澤男兒有命寧徒然歸去蓬山蓼水邊坐
食金樓翠琰篇丹蛟吹笙亦可聽白虎搖瑟誰當憐我
今章甫適諸越山川未便啼鳴鳩都門買酒留君別况
是春遊寒食節孟門太行君所知鬼谷神樓非我宜王
孫碧草歸能疾公子紅蘭佩莫遲昨日辭朝心苦悲壯
年不得與明時處處含情

待知已可似南箕北斗爲

別荊州張孝廉

去年與子別宣城今年送我出帝京帝邑人才君所見
金車白馬何縱橫金水橋流如灞滻西山翠抹行人眼
當壚喚取雙蛾睂的礫人前傾一盞誰道葉公能好龍
真龍下時驚葉公誰道孫陽能相馬遺風滅沒無知者
一時桃李艷青春四五千中三百人擲蛙本自黃金賤
扞鵲時當白璧珍年少錦袍人看殺唇舌悠悠空筆札
賤子今齡二十八把劍似君君不察君不察時可奈何
歸餐雲實蔭松蘿濠南釣渚飛竿遠江左行山着屐多
吏事有人吾潦倒竹林著書苦不早被褐原非衮冕人
飈車更向煙霞道青野主人歸不歸文章氣骨可雄飛
歲時已逝尚幽滯連翩不

遂知者希平津邸第開如昨嘯激清風恐寥廓人生有命
如花飄不問朱裯與籬落誰當結騎指衡山欲往從之行
路艱懷沙長沙爲我吊洞庭波時君已還人生莫歎宦遊
薄習池何似江陵樂寧知不食武昌魚定須一駕黃洲鶴
我今且唱越人舟青蒲翠鳥鳴相求君獨胡爲好鞍馬草
綠波光不與儔我住長安非一日傾心約結百無一夫子
春間倘未行爲子問取郢中質

答龍君揚

河上草堂秋氣鮮獵獵涼風吹歛煙連雲悲雁響吳天老
鳥喔啄迷空田田頭歷亂孤蓬飛高舉雲中欲何依金松
黛柏園中阪遊子歸來桂花晚一曲苦寒人可憐題書上
有加餐飯絲履翩然五文章登山躡雪生行光遠遊消憂
何日忘會須蹤履登君堂爲子沉思傷心曲怪子年來書
不屬東南孔雀尚飛遲西北行雲空斷續美人贈我團圓
扇可惜秋來君不見采色明年倘未渝會自因風托方便

黃州舊遊

飛鴻一聲蘆荻洲颯颯蘆花吹高秋故人零落東南流白
水蒼梧雲色愁憶在金陵醉歌舞楊柳香風南陌頭畫裏
春風對紅壁金燈百樹羅公侯履舄紛紜拚不顧白髮成
翁那能度珍珠河上美人雲燕子磯邊莫愁渡羣豪雨散
落風華畫玉搔頭在狹邪春年桃李真須惜歲晏芳榮空
自嗟但見柔條日就勁迴憶此時攬明鏡一夜相思黃鶴
樓搖落緘書寄貧病

送客滄洲

長安何許遊俠場朱樓四望臨清觴
宿舍花迴日光花光柳碧城南北青槐馳道如髮直餘曲
長留春暮情新粧似鄣朝霞色就中有客賦蕪城美人滿
堂予目成藹似芳洲連杜若悄如幽澗飛松英文章不到
金華殿旌旄却向黃巖縣簿領關心可若何章服籠身非
爲羨羨君雙鳥近名山雁岩天台委羽間香草千名岩窈
窕靈泉百道月溝環京闕重逢霽煙雪爲子酣歌如意折
梁前遊子惜遭廻陌上春風愛離別春風蘭舫拂滄洲有
日重上觀臺遊爲看明姑青鬢色海塵飛盡莫須愁

金陵歌送張幼于兼問伯起

金陵花月蔽江空可憐六代多離宮
潮去潮來都應月花開花落等隨風
真人握鏡開神烈便作神臯賜金策
二百餘年天下清往往將軍禮逢掖
肅帝高居俯絳河金碧祠人闕下多
一日鼎成罷宮觀祠人四海空勞歌
佳麗南都足風景浪客紛紜難記省
挾策時過驃騎航調絃半逐胭脂井
相逢相別不相難傲吏清時會閉關
最愛君家張仲蔚滿徑蓬蒿不出山

送前宜春理徐茂吳

西湖徐君美如此眇眇東來渡江水
微颺水葉江波生皓露芙蓉秋色姹
秋色連山客早悲倍憶離鴻江月時
舊郡鈴陽醉煙柳總道春光却是宜
豫章城西江水滿片雨疎花石蘭館
獻賦誰知錦組文題書直道珠盈椀
一別滄洲間白雲金臺暑路忽逢君
祇合飛冤填北海那堪解慍坐南薰
出門小婦恒隨從茗碗香鑪朝夕供
風雨離騷秋暮

行荃蘭墨妙連舟重去去西湖簫鼓陳香絲艷粉逐年新
不惜風流頻取醉君來想像六朝人

送內方山人還天台

滄海冥冥吹遠松春霞一一生殘峰括山一萬六千丈山
人一室蔥翠濃南連委羽紛靈聖金芝翠籥玲瓏映四明
雲日自開牕五縣山川若搖鏡山人原合住山間每怪山
人不住山我夢天台無羽翼空歌積雪送君還

倭王刀子歌答丁右武

丁家次卿有寶刀海色熒熒秋色高可是三年綠煙裡精
華落盡成吹毫聞道海王昔鑄此擊鼓童男祀刀子抽驚
片電流人目繞怯織冰墮寒指君今捉刀當贈誰與君對
江心不疑處處從行當知已一片床前光陸離

立春日憶孫生

孫生本是山東美却似江東作鄉里惜別何時復故人吳
歛坐入新安水水上寒雲暗不流片片雪花吹錦裘亦有
金尊映明燭日暮留君君不留留君不住祇愁人別後年
光何處新莫論明日爲人日且道今春已立春

送胡山人歸楚依朱子得

山人何處姑蘓客蚤歲避兵居楚澤年來却號太形人主
人單懷二千石有書數寄單懷君山陽報書差一聞桂林
蘭署有前約一時冷却鑪峰雲爲問山人老何預水霜遠
寄無人處伏枕寧知春蚤來歸裝數被人持去花下乘舟
興欲殘春陰江上綠微寒但可解貂分客醉何當吹劍與
君彈昨夜西牕起離色滅燭猶談張相國數尺粉梧已作

薪一門桃李俄成棘春宮歲塢事悠悠眼底山人有一丘
爲過滄海垂釣處煙波能得幾人遊

送俞采并示姑熟子弟采故叔白鹿生賢豪人也悲
之

遊子當年風性高龍生地王垂干旄絳帳後堂延弟子春
裝別墅擁賢豪何處山川不留飲何處風光能着寢花落
時煩縹綠箋杯翻只涉蒲桃錦爾時間并多懽娛爾家弟
兄猶讀書長星出天十年內經過舊地百不如江山更番
起戎隊河南學館今蕪廢地主才高落網羅門生產盡歸
闌闌君家少父識人稀白鹿騰空人事非頻年落第常留
醉幾夜浮橋獨送歸此情此日堪憐處故人上官得陵署
從今見憶直須來幾日相過那便去春酒春燈花月深離

愁今夕動春心親知報李非無物直笑栽桃未有陰

送臧晉叔謫歸湖上時唐仁卿以談道貶同日出關
并寄屠長卿江外

君心如水門如市直爲風煙能滿紙長卿曾誤宋東鄰晉
叔詎憐周小史湖水寧當非俊遊一官誰道臧風流深燈
夜雨宜殘局淺草春風恣蹴毬楊柳花飛還顧渚簪酒茗
魚須判汝興劇書成舞咲人狂來畫出桃心女仍聞賓從
日紛紜會自離披一送君却咲唐生同日貶一時臧穀竟
同塵

天妃宮玉皇閣夕眺

寶蓋珠幢曳青裙拂雲來謁斗中君因攀帝閣臨元氣却
過雷門動紫氛諸天蒼莽開南牖下視塵衢思矯首繡嶺

平分草樹前清淮半出人家後還緣梯路俯東軒睥睨飛
翻儀鳳門表裏都城如玉切高低道院似雲屯參差向北
隨形勢雉堵獅峰兩迢遞可憐平圃盡開花未許淮山徒
植桂迴飈拂袖倚西櫺樹影潮音入暮聽山中氣接江流
白江上山連浦口青青山四面迴靈澤二百年來深檜柏
能棲寶露足風朝會徙陰煙宜月夕夕暉山色靄松門仙
家日氣會黃昏不須再待婚宦畢恐煩猿鶴怨王孫

夜月太玄樓樓在神樂觀

芙蓉花發出城遊江光雲色映芳洲下榻先榮金碧檻開
燈還動紫華樓樓前嫋嫋垂雲幄樓上嘈嘈奏天樂何如
邀佩戲層城直似吹笙懸半嶽輕風拂袖解人醒急雨能
添別院清高興明星一回首琪樹蒼茫河漢聲

答王恒叔給事憶丁鄒二君

赤城芙蓉青桐柏煙霧連山海氣白忽忽懷人幽意多却
對墀庭芳草積秋圖婉變風霞開寶瑟透迤月露夕飄飄
徒羨茂陵人鬱鬱自憐金馬客開門上馬去人間陌頭喜
見鍾陵山幾度池臺招不去有時山水醉忘還道士天壇
長稽首玉女星樓時進酒激玉調笙世上無鳴雞吠犬天
中有王郎奏事日幾封清顏秀筆動天容每視夔龍集東
省曾窺鸞鶴下中峰傳來玉價連城起祇愁蘭葉當門委
山川白雲徒問之日月河清今有幾鄒生玉律悲迴風御
史無雙行殿中豈有片言觸天上亦隨二美遊江東江東
佳麗殊未央持此待君君莫忘星軒倘使碧鷄路斗酒相
迎朱雀航

送饒伯真之天台兼訊王給事明德長君五松子
羅公弟子真神仙煙裝露宿能經年晝採靈花肝姥宅夜
調春酒神公泉武夷幔亭曾拂首子晉中峰一携手尋師
直泛昆池蓮懷人戲折煙臺柳爾時誰到天台峰大羅真
人名五松五松一去光響城曾誰伐鼓朝天宗汝今再響
天台策淮水金碑註銅柏寧言六代有衣冠且道千門對
巾幘由來此地足煙霞綠海春深汝憶家若見方平留畫
扇爲報麻姑掃落花

送胡孟弢應制兼懷趙孟白劉子玄

蓮花峰頭君不住桃葉潭前君復度張燈作酒臨朱絃美
人一曲傷遲暮鄉心寧道隔山川客鬢懸愁挹風露揮鞭
極目長安雲盡昇回首江南路君今與我非少年君客故

好能談天傾坐惟須綠玉管結交底用黃金錢誰言耳目
都非是始悟肝膽長不然數年喜讀絕交論近歲頗看游
俠篇酌酒對君心不展北斗臨城路東轉非關遊子易披
離自是世途難偃蹇多拚獻歲入西秦卽漸殘年泊東苑
江外含梅冰雪深河陽着柳春風淺春風尊酒送行軒青
茫禱樹難攀援舍人就詩柏梁殿方朔上書金馬門風塵
陌上新知樂煙雨江南舊客憐不見桓山趙夢白爲問汝
南劉子玄

送于公葵歸金壇

年少金多亦不惡能碁入品權能作莫因長者避風流自
是名人好爲樂秣陵可遊風景多首夏此時猶清和與君
芳意何處盡別岸芙蓉生綠波

送劉子玄使歸

昨歲芳禎散城闕草綠煙波迨春月河梁斗酒令瀕傾雲
閣寸心終未絕劉生風義汝南人少年青鬢帝城春上憐
徐樂獻書晚人識相如秉傳新星軒擘擘金陵道清署開
尊愜倫好那堪晏歲言別離直是行人心草草見說淮南
津吏迎還將歌吹度蕪城足歷五都未厭望才傾一座爭
知名歸去梁園動春色一種風泥吹墓側情知愛少亦爲
郎爲許舍香能見憶年來意氣復誰陳丈夫磊落立功勲
不似老儒重文法祗堪簪筆望青雲

太常謝公北泊天妃宮有作來年正朔立春謝公前
使琉球感天妃神光濟海焉

漢使河源虛織女君得天妃下神語海氣雲驚壁葉山江
關雪憶梅花喚白澤賜衣金佩刀神鯨怪燕爭波濤精氣
自陵星氣遠功名早遂風雲高只言世上堪平步候氣重
尋幽宰路常依北闕玩芳華暫向南都瞻玉樹南北園陵
佳氣重太常新入近天容况復青郊候祈穀立春春朔幾
人逢

署客曹浪喜

今冬寒多忽作暖羊脂臘酒青蕤椀達曙留連歌笑言蓮
花漏水宵來短疎窓小竹真蕭瑟淺帳寒梅動疎散客省
經知無印開祠曾報說添人管北闕雲霞青鬢疎南朝煙
月歸心歛鍾鼓空思長樂宮江山別築忘憂館四十頭顱
君不知爲看年來衣帶緩

寄李半峇內卿追憶陳寶鷄

仙令長安君以後繡服霑春幾迤逗赤縣彈琴自一時公
庭舞鶴冷清漪咲浪紛紜陳寶鷄鳴鞭載酒御橋西諸賓
歷亂凌風舞小史溫融映雪嬉意氣滿堂心自許密燭迴
簾深夜語惟知生死十年期忽漫浮沉兩仙侶陳君曲折
殊可憐君家一掌順陽川隆中故宅若爲遠安衆諸劉時
往旋少室僧來喜相慰能言半峩身閒貴兄弟中原詞賦
名兒郎上路風雲氣紛吾四十滿爲郎每愛嵩鄖夾內鄉
幸好分麾河嶽路來須一飲帝臺漿

三日二碧王孫山亭飲

金陵拂鬱難攀援熒熒二碧相寒溫小碧家臨漢西路次
碧宅近清涼門清涼迴高見蒼莽籬門正接王孫園不嫌
唐突與俱往且爲畧約開殘尊初經窈窕上林閣忽覺氣

勢如山村斜臨江臯隔睥睨前瞻天闕正軒轅但坐自令
佳意出遲遊尚及春光存翠薄荆榛徒極想花蹊桃李知
無言忽看城闕歸雲度起視簷廊宿鳥翻向夕餘妍定三
五何妨滅燭臨高軒無事王孫惜芳草自然幽客眷蘭蓀
聞王悅之說閭門隱者

王郎道有閭門人白首青蒲自編席入市賣席常清晨未
到中時卽歸宅便持百錢虎丘寺但坐相逢成主客就飲
何曾忘嘯歌歌罷回船動西夕自言一生不持扇半世蓬
頭少巾幘三家市裏足埋藏百歲人中堪戲劇爲看閭門
來去人不爭遲早俱頭白

黎女歌

黎女豪家近將笄如期置酒屬親至自持針筆向肌理刺

溟分明極微細點側垂娥摺花卉淡粟青紋遶白地便坐
紡織黎錦單折襪吳人綵絲織女兒競戴小花笠簪兩銀
篋加雉翠半錦短衫花襖裙白足女奴絳包髻少年男子
竹弓弦花幔纏頭束腰際籐帽斜珠雙耳環纈錦垂裙赤
文臂文臂郎君繡面女並上鞦韆兩搖曳分頭携手簇邀
遊殷山沓地蠻聲氣歌中答意自心知但許昏家箭爲誓
椎牛擊鼓會金釵爲懽那復知年歲

萬州滕障子歌

劍門藤絲如髮細織作爭先出新意十二雲屏海上來平
波瑩熨瀟湘字織織錯理真絕奇闌花側葉鳳交嬉高吹
海色障風日遙憶煙蘿擺月時

伍仲元老人飲酒歌

青雲老人何爲者高冠截髮高風寫家多故事饒談笑年
少他鄉劣遊冶老去初爲童子師貧來未覺交情寡到門
問酒隨生熟坐地吟詩襪風雅有子能裝翡翠花無人獨
爨青松把謝郎奕墅宜酬對羅公講席曾軒翥白雲東岡
草蕪沒綠竹西塘夢瀟灑猶記長橋春醉時月出高林人
上馬

答恒叔并憶夢白伯符

玄湖煙雨半霏微鍾阜晴雲濕更飛卧聽鳴猿谷曙起遊
看宿鳥山明歸由來意氣壓塵襪到處風流饒吐納吳中
有酒一湏酤洛下無書却省答相看一倍惜流煙映雪裁
書已隔年中子山前憑岸幘旗亭樓畔屢迴鞭多君正直
能玄史今日南中美無此寶刀將寄只丁卿玉律閒調是

溟分明極微細點側垂娥摺花卉淡粟青紋遠白地便坐
紡織黎錦單折襪吳人綵絲緻女兒競戴小花笠簪兩銀
篋加雉翠半錦短衫花襪裙白足女奴絳包髻少年男子
竹弓弦花幔纏頭束腰際簾帽斜珠雙耳環纈錦垂裙赤
文臂文臂郎君繡面女並上鞦韆兩搖曳分頭携手簇邀
遊殷山沓地蠻聲氣歌中答意自心知但許昏家箭爲誓
椎牛擊鼓會金釵爲懽那復知年歲

萬州滕障子歌

劍門藤絲如髮細織作爭先出新意十二雲屏海上來平
波瑩熨瀟湘字織織錯理真絕奇闐花側葉鳳交嬉高吹
海色障風日遙憶煙蘿擺月時

伍仲元老人飲酒歌

青雲老人何爲者高冠截髮高風寫家多故事饒談笑年
少他鄉劣遊冶老去初爲童子師貧來未覺交情寡到門
問酒隨生熟坐地吟詩襪風雅有子能裝翡翠花無人獨
爨青松把謝郎奕墅宜酬對羅公講席曾軒翥白雲東岡
草蕪沒綠竹西塘夢瀟灑猶記長橋春醉時月出高林人
上馬

答恒叔并憶夢白伯符

玄湖煙雨半霏微鍾阜晴雲濕更飛卧聽鳴猿谷曙起遊
看宿鳥山明歸由來意氣壓塵襪到處風流饒吐納吳中
有酒一湏酤洛下無書却省答相看一倍惜流煙映雪裁
書已隔年巾子山前憑岸幘旗亭樓畔屢迴鞭多君正直
能玄史今日南中美無此寶刀將寄只丁卿玉律閒調是

鄒子別後交情一問君山郎謝病又何人如今曉事歸年
少漫道長安吃子雲

寶劍贈龍身之

甘棠聽棘舊池陽萬年遮泣動臺郎沉雲不散三天日似
雪先浮六月霜沅陵拔幟功名備世路何人惜葑菲卽知
潘岳斲除名不道中郎爲敝鬼晉帝營西日彩收吳妃宮
北水雲流當時并道英雄主今日翻爲詔獄囚龍生滿身
俱俠骨此事官時殊草率不知僞旨出誰人乍許爰書歸
獄卒遺君寶劍共徘徊美酒銷心莫浪猜見說漢家尊太
守春風應得赦書來

水亭觀右軍真蹟得誰字

閉門坐罷初臨池何處留連揮灑時白日亭亭江上暮此
意悠悠知爲誰開軒拂匣鸞龍色滿目琅玕寧可持不信
歸來焚萬帖今宵莫見右軍書

送謝君實理高州

君嘗執法文登城朱絲之直冰壺清遊戲蓬萊幾清淺坐
看海市搖空明望仙門前風葉舞世路煙波只如此漠漠
升沉不得意人間一復炎州理炎州高涼氣色涼綠榕滿
堂荔枝漿天池六月一棲息珊瑚幾尺高摧藏我昔雷陽
向孤遠獨樹無陰下長坂夢隨梅嶺江南春人行石城夜
中飯秋風莎露排煙嵐一官如寄誰可談與君相似定相
見東海勞僧湘漢南

僧號大勞

懷曾舜徵衡山

年少相逢在何所山東道上風塵語零落相思今一時美

人悠悠隔江楚一上春官垂廿年滿目無人私自憐此生
薄相自應爾似子通材那復然長安有懷未傾瀉迴雁峰
前嘗不下忽傳南嶽金簡文來振西方白蓮社空門酬唱
老生涯衡廬真作往來家有情身中無盡藏與子同看峰
上花

以歌代書答趙仲一

白波蕩蕩流真寧邦清吾友如其清欲留關尹言道德稍
知公子近刑名風塵兩度相携手聊作悲歌一壺酒長安
貴人方見知鄉里小兒亦何有紛紛世故不可窮晚柱碎
壁成英雄空驚越客詛秦客未塋滕公得趙公有毋閒居
差不惡無家古寺堪留客雖知世上眼難青何得此中頭
遽白我今與子一詼諧霜紅月白正湏來去官只有耕田
手處世都無避債臺温公袖中誰所寫坐我蕭蕭直林下
向西還似過屠門龍泉太阿知我者

東館別黃貞父乙巳夏小暑貞父赴徵儀曹予送之

郡南東館適伯東參知馳書來別貞父因以墨客
所作雪景卷併寄予云午日別貞父時江閣風雨
寒甚因憶沈啓南六月添衣畫雪次韻爲別貞父
命予書其後追憶十年前別貞父湖上正雪臺殿
竹樹蕭然如此畫中也因及之至如石田詩顛倒
炎涼聊戲爾又何今昔之感云

午日送客風雨寒參知凍飲留江干爲言沈周曾六月醉
起添衣畫雲雪江天曉閣爭黃昏行人旋泊愁銷魄指揮
墨客寫爲別天機偶發非涼温六月雪花吹不去相看不

人悠悠隔江楚一上春官垂廿年滿目無人私自憐此生
薄相自應爾似子通材那復然長安有懷未傾瀉迴雁峰
前嘗不下忽傳南嶽金簡文來振西方白蓮社空門酬唱
老生涯衡廬真作往來家有情身中無盡藏與子同看峰
上花

以歌代書答趙仲一

白波蕩蕩流真寧邦清吾友如其清欲留關尹言道德稍
知公子近刑名風塵兩度相携手聊作悲歌一壺酒長安
貴人方見知鄉里小兒亦何有紛紛世故不可窮晚柱碎
璧成英雄空驚越客詛秦客未塋滕公得趙公有毋閒居
差不惡無家古寺堪留客雖知世上眼難青何得此中頭
遽白我今與子一談諧霜紅月白正湏來去官只有耕田
手處世都無避債臺温公袖中誰所寫坐我蕭蕭直林下
向西還似過屠門龍泉太阿知我者

東館別黃貞父乙巳夏小暑貞父赴徵儀曹予送之

郡南東館適伯東參知馳書來別貞父因以墨客
所作雪景卷併寄予云午日別貞父時江閣風雨
寒甚因憶沈啓南六月添衣畫雪次韻爲別貞父
命予書其後追憶十年前別貞父湖上正雪臺殿
竹樹蕭然如此畫中也因及之至如石田詩顛倒
炎涼聊戲爾又何今昔之感云

午日送客風雨寒參知凍飲留江干爲言沈周曾六月醉
起添衣畫雲雪江天曉閣爭黃昏行人旋泊愁銷魄指揮
墨客寫爲別天機偶發非涼温六月雪花吹不去相看不

解何所致不知東館是炎天憶別西湖有寒意

五言律

古意

春澹曲墀滋風輝遙翠時含情望朝日永歎在新知鬱鬱
青門道悠悠湘漢期玉壺起行酒迴淚濕春絲

德州逢李道父觀察

太史南河盡朝陽東路行星辰卽位合煙雨獄雲平魯酒
能香色燕歌到羽聲知君有奇氣長揖漢公卿

河上送張明府

河朔秋將晚黎陽縣欲花鳴琴當夜色別酒送年華白髮
滄洲遠高歌雲漢斜經過鄴城下自古欲長嗟

送袁生漢中

君去旬陽道初過明庶風居人緣沔上都尉治褒中渚葵
浮衣碧壩桃引幔紅秦吳千里色流恨曉雲空

河林有酌

風亭移石竹爲客正開襟宿鳥過殘雨吟虫傍積陰故心
人不淺秋色夜方深便合丘中去寥寥鳴一琴

初至江關

朔方空水陸南國自山川夜月啼飛鵲秋風咽斷蟬宦遊
長是客吏隱豈非仙買有青燈在鳴榔上酒船

題王逸人莊

金盤河色外石屋華峰西日氣草薰陌花光雲映溪空巖
人語迴曲樹鳥飛低直道堪長隱東陂魚稻肥

送客歸岳州

楓隱號蟬急林開放鷓輕柳煙眠際穩江月醉餘清夜色
遙相渚秋陰冷岳城遠憐洞庭水漁笛共歌聲

江樓送東粵翟先輩

樓上秋風遠城陰水樹微芙蓉低木末暝色上林霏海燕
涼猶拂江鳥靜不飛登臨澹無色還似送將歸

送周嬰東遊

淒淒客所適云向岱宗遊海色夫門曉松聲日觀秋封中
雲欲起泗上水還流莫作吳門望淒其未可留

秋發庾嶺

楓葉乘秋影涼蟬隱夕暉梧雲初晝靄花露欲霏微嶺色
隨行棹江光滿客衣徘徊今夜月孤鵲正南飛

平昌送屠長卿歸省

神仙曾作縣君子遂名堂竹色朝行酒鐘聲晚隱牀西遊
人未老南至日初長那用登芸閣千秋辭賦香

送古萍歸百丈山

到來都是境情至詎成塵秋色生鴻雁江聲冷白蘋別離
心草草珍重語頻頻莫待他生見還爲慚媿人

戴師席上送王子厚北上子厚名渾然司徒北海王

公公子也有物表之姿昔人之度溽雨來辭戴公
平生不飲此日連舉兕爵數度公咲曰吾之邴原
也用原字贈詩就和

去向青州榻來遊白下門蘭言接公子草色送王孫過雨
催驪曲臨風寫綠尊不堪頻北首驅馬獨平原

哭亭州周二弘祁

四首

七夕天河別千秋零露悲金陵逢舊館璧水正新知便作
修文去空爲汗漫期琴風將酒月故是一相思
逝物有生同悲君更疾風澤蘭雖自長桃葉已成空數命
悲馮衍才情似孔融徂春兼惜往淚落晚花中
並憐周處士竟作不歸人燕室裁添羽龍陂有落鱗羈懷
良易感寂路苦難春誰掛吳陵劍將悲蕙草陳
落木西陵下飛花北煥遊居然成別袂何日問藏舟忽忽
疑猶在悠悠問不休自殊方外客禁得淚長流

遠遊

桃李艷春光思妾在河陽燭散茱萸慢煙銷迷迭香人隨
千里目曲斷九迴腸歸來故相識莫作道傍桑
同董光祿望雪漢西禪閣

鄉關望不極江漢此登臨夕照空門靜寒棲佛影深飛霜
曾白簡繁露滿青衿祠署春能入幽蘭思莫禁
西塘煙渚憶大父徵君

喬木無人問王孫有歲芳池臺秋縹緲梧竹暮荒涼雨意
青山外煙墟綠水傍不知嵇叔夜清嘯若爲長

七言律

金鷄城前望白水有懷

金雞城前花未稀白水莊前人正歸詎道園林初服晚獨
憐江海寸心違芳臯夏翟羣衝翳繡箔春蠶半上機不少
當年琴釣友去年還得藉音徽

寄前太守胡公

臨川太守自多賢解綬君今不待年杜密可曾私引託姜
易後乃先生集詩

岐長爲病遷延誰言去後陂當復正憶年時榻每懸竄是
江城無大小說君名字總潛然

閏中秋

中秋玄彩自相鮮復是清輝不羨前靈莢何年多占月桂
華今夕倍流天玲瓏剩卧珠胎滿端正添看玉鏡懸多少
離懷起清夜人間重望一回圓

送何衛輝時喜潞藩新出

帝子新封接帝鄉何郎新命守河陽江花碧署年光滿雲
氣蒼梧秋色長內史未須秦法律朝歌曾識漢循良人傳
萬乘旌旗出總爲猗蘭是國香

送王比部供奉採藥扶持太夫人歸粵比部故侍御

殿中

白雲司發桂花叢彩袖承親碧海東潘岳御輿逢令節沈
郎行藥正秋風先抽美草占年樂盛取菖蒲益帝聰並道
春祠惟坐嘯也能符遣及花驄

送王侍御以論耿公歸蜀侍御故吉州人

自是安成舊世家偶隨雲物映三巴吳兒競愛彈文好楚
叟新知物論譁畫舸江連巫峽雨繡衣春作錦城花君恩
未報難高隱猶有衝冠氣觸邪

送吳竟父西歸過運司伯子

蒼蒹白露滿秦河年少芳樽玉樹歌別館春情隨夜盡曲
江楚色聽潮過吳聲未斷迷香徑海賦能添出素波爲到
故園梅色蚤可堪青鬢客愁多

送程中舍還朝

薇垣清切羨中書鳳詔銜飛得自如別路幾逢花樹密宦
情真覺酒期疎江阜曉色侵行佩河漢秋星轉使車爲報
太常能吏隱葱陵長對碧窗虛

問薛太學近洙

歸去橫林動一年薛君章句與誰傳經聲隱雨初移楊樹
色籠晴可放船未許過家營外宅應須對嶺矚新田清秋
茗椀差饒興或許蘭陵石上泉

送林廷任之進賢便歸閩省

神君出宰謝林巒鼓角乘秋入建安待唱白華留客醉卽
看青雪照人寒江聲暝合風雲路縣影晴分日月灘莫便
河陽嗟宦拙爲儒初着進賢冠
于中父餉薊邊便歸金壇

雲陽仙吏玉青葱泛酒蒸桃不再同少府金錢行餉北長
城旌吹護歸東秋山馬色河流外古戍蟬聲木葉中日近
薊門邊候遠幾人長劍在崆峒

寄馬長平理廬州

登高送目海雲東鳴雁秋生碣石宮小吏廬江看執法諸
侯泗上待趨風鄉心欲賦梁園盡別騎方嘶漢苑空不惜
放歌逸調好今宵千里月明中

送長沙易掌故

秣陵煙雨片帆收燕子江邊一醉遊白石滄浪隨意有青
莎襍樹幾人留星光夜發長河渚雲氣春銷古玉州舊愛
楚騷應暫掩由來此地亦悲秋

送陳仲道餉延綏歸嘉定州

司馬西遊賦筆閒相將蜀道出秦關鄉心歷落焦原上河
色蒼茫斷磧間騎影甘泉魚乍躍塞雲高館雁初還海棠
香盡歸休晚解道峨眉嶺似遠山

送李獻可賚馬價薊門便携家歸華山李君同是沈
几軒先生門人也

休文池館映青衿每話三秦動我心騎省晝移宮樹綠客
牕秋夢岳蓮深佳人並操歸鴻曲國士先馳買駿金爲過
薊門東掖望馬蹄冰雪正難禁

送楊太素中書出祭趙府

春官玉節最誰才獨遣中書鄴下來襟被自留琴客語離
筵偏爲酒人開梅風曉角催寒送花月春帆截浪迴見說
趙王能好易相適應不話叢臺

送伍給事謫萬載丞

年來清奏出陪京每向秋江送客行給事舊從關令尹爲
丞新失漢公卿星通北粵蠻差少地接長河濕較輕自是
世情能物色不妨黃綬去逢迎

送黃觀察雲南

北門都水歲清寒萬里遙天映法冠乍許鄉閭來問俗獨
憐妻子不之官秋山月落雲旗出絕徼花開露冕看見說
南中稀酒米數杯行色爲君寬

約謝吏部先九日同令弟友可伍山人仲元造池上

謝郎高卧聽西池樓外風翻滴露枝道有山人能勸酒不
妨家弟一圍棋三江白雁來何蚤九月茱萸興莫遲正恐
登高見籬菊落英先發楚臣悲

琴石

東溪獨枕隱飛湍青碧琴床面面安形似麤賓一躍易韻
深方響欲浮難波間激玉清誰訴洞裏流泉冷自彈日暮
更爲金石奏迴風吹作水仙寒

送徐敬輦浮梁暫歸蘭溪省覲

寒郊煙影散春旌刻宿河梁昨夜明劉向早傳蘭署業阮
咸堪醉竹林情舟經浦口齊雲宿身到池灘逸月行不用
蘭川將酒去玉甌春茗會人清

平昌得右武家絕央詞示長卿各哽泣不能讀寄張
師相感懷成韻

哀響秋江迴雁聲雨霜紅葉淚山城年來漢網人難避老
去商歌客易驚貝錦動迎中使語衣冠誰送御囚行長平

坂獄衝星起可是司空氣不平

戲答錢塘姜永明

香奩艷曲省曾傳不報情知越妬燕拚死可令花性惱貪
生直爲酒壚憐仙娥作伴防偷藥女俠難教唱採蓮猶有
錢塘舊蘇小良遊還報木蘭船

南海郭觀察夢菊約西城寺琴集別袁滄洲文毅

高懷何用結交深綺陌翻爲狎隱尋過雨汾陽移白恰開
春海色薦鳴琴雲浮睥睨烏棲樹月冷招提鶴舞林夜半
袁宏高詠罷滄洲頭白故人心

鄴中關繆侯祠

趙壁叢祠非故鄉漳河懸絕舊荆襄輿圖并借揮戈色廟
貌全依秉燭光運去英雄猶嘆喑靈來風馬欲踰跟今朝

朔望流歌舞何似銅臺對魏王

高太僕每過輒值余他遊太僕嘗爲侍御頗好棊酒
有淑人之風更約之飲

道人終日掩荆關長者乘車十往還太僕本來驅駿骨綉
衣方得解嚴顏十千美酒絲桐醉三百枯棊賓從開况是
秋風有良月門前雙桂許人攀

劉諫議出鎮金州暫歸長白

妙迹西遊諫草間憂時長似映心顏太常陵事清齋入長
樂鐘聲遠夢還副岳廻旗開白雨靈河邀佩出藍關由來
隴塞功名地不說吳都侍從班

送姜司農入秦

茂宰曾標濯錦才同官幾歲鳳皇臺書通芍醬時抽簡酒

到郢筒一命杯遂赴秋期秦隴上且看春色漢江廻涼州
舊宅渾無恙長似西平駐節來

送丁生濟南訪舊

綠雲晴色映江干罷酒乘舟送所懽一飯共憐滄水使十
年初謁漢祠官新知結綬人情易末路分金古道難莫爲
秋風苦留滯鵲山明月夜飛寒

明遠樓陳伯達仲客仲宣去諒夕燕前有宗生在座
引去留之遲歌兒壓雪不至

南河五月似新秋晦日牽帷接勝遊酒半竹厨連霧暝夜
深漁火帶螢流門廻綠草牽車騎座借青燈瞰斗牛莫爲
無歌遽欲起高樓曾爲至公留

送胡瑞芝以東粵右丞入都行仲秋大慶禮萬壽日

十七千秋日十三奇逢盛際也時君平以平播功
貴望之

十年清望紫薇臣南極星趨拱北辰萬歲歲當嵩九祝千
秋秋正月重輪芝英瑞駕雲中表金鏡光傳海上珍况是
平南多事日衮衣推鉞更何人

劉天虞暫歸汝南別業寄聲趙夢白馬長平

忽忽江頭送遠人秦川公子夜歸秦山中臥病能過客澤
畔行吟見逐臣趙璧肯爲羸柱碎梁園相憶馬卿貧前臨
楚塞登高盡回首黃花涕淚新

送周富滿臨海尉赴象山巡檢富吾家舊小史也出
身傍人而事予甚謹憐而送之

少小相依京洛行爲誰書記得微名驚看妙尉臨雙闕又
送巡官出四明但是歲時來薄俸每當憂喜見長情秋光
去後何人憶紅木樺開海嶠清

開雲樓宴呈張師相

羽翼初成鬢亦斑西來鸞鶴且追攀空驚浴日臨滄海暫
許行雲過舊山襟樹鶯啼高舫外綠波春色畫樓間江湖
魏闕尋常夢好聽漁歌盡日閒

五言排律

奉寄舉主張龍峰令弟對都水

函夾七踰歲官高幾令郎宋生詳動止陳子接輝光顏髮
傳如昨音悰感不忘後來徒領袖前事足沾裳德鎮爲廬
岳神區表豫章香爐雲酷烈布瀑布唐嘗對江州榻曾
登副史堂再經遠地至一別似天曠秀僻蒼梧遠思深桂

水長揮衣鳥路側行藥雁山傍靈窟天台秘霞標海色
奇探疑謝客逸嘯與嵇康舊德宜京府新叅入汴梁長河
天上脉太室地中央勝事名公愜賢聲過客揚策勳應早
晚賦政不尋常媿我才非賈當年劍遇張浮名雖不早人
意亦差強妄意瞻宮闕依然迷太行仰天流白汗默地想
清揚敞篋開繁露越貂異肅霜漆悲驚衆俗田曝愛君王
魏闕三年夢燕京百日糧靡蕪經素節蘋芷及春陽冰破
池開綠風輕柳變黃泥鶯三兩度歸雁百千行帝女桑將
出王孫草自長朝官飛翠紫貴第錯金簧亦喜繁華事今
非年少場薄遊須俛勉應制敢迴遑定有知吾自能無恃
彼蒼獨憐一日遠未得尺書詳就織筒中布虛春石上梁
無緣奉君子祇是憶他鄉便似飄飄梗傾歡辭辭棠千金
才鼎貴八座並軒昂絳闕爭鳩鵲和丘委鳳皇媒勞兼粉
綠特達又珪璋第恐荃蘭變安知桃李芳投情授知己明
德務偕臧

寄司明府

杜軫爲郎去王喬此鳥過瑤臺初破彩珠曲始澄波化術
何須譜光儀式可歌調如吹玉瑄斷必準金科種樹開繁
蔭治稂就美禾周顛雄百里潘岳在三河去思篇章溢留
傳亭館多揆予遭草澤托分靄松蘿拭霧窺文理披星出
太阿違顏空奏記福履自鳴珂壯甚迂懷古年來善養痾
居空惟抱影作賦苦揚蛾笑似驚蝴蝶啜如芥駱駝微言
真不數習俗久成訛水舍通魚鳥山田占蟹螺盆花空勃
率庭樹且阿那尺蠖悲隨葉靈龜喜占荷小山吾分矣大

塊等如何白雪惟三楚清風憶五純何時將玉楮對日緬
瓊柯

送艾太僕太僕以乙科爲郎論江陵起復成起南鴻
臚

世閱高臨汝衣冠起岳州精靈萃蓋曉氣脉洞庭秋江漢
稱才子瀟湘托好述儒林蒼玉滿郎署白雲悠是日江陵
相長星寓縣愁禮嫌金革變權誤墨纒留奮筆含香勇衝
冠執法羞燕臣隨伏闕楚客竟爲囚御梃驚魂落丹墀濺
血流動傳天詔獄分作鬼投幽遠竄逢羣魅銷魂失爽鳩
秦城將急杵漢黨欲窮鉤淚濕條支盡身拚并鬼休扶顏
依枸杞作語向蒼牛洗雪人難待迷陽運忽周機權還太
乙氣色噴蚩尤詔旨須人望恩波許自由玉關歸鳥道青

海發龍湫遂作雲雷起還令湘漢浮法星低照蜀明月遠
通滂復有東門恨難爲西塞憂猿鳴初黯淡鶴怨轉夷猶
龍影迴江郭巴雲護岳樓九河原曲直百鍊肯剛柔典客
高情映祠郎清燕酌如雲瞻鸞鷲似雪耻蟬蛸下秩依園
廟齋心隔冕旒時時分羽籥一一聽鳴球偃蓋朝霞爛穆
枝宿鳥啾才情空荏苒耆舊得優游翰墨飛長紙壺觴引
薄修忘年過灑落淡歲語綢繆世事留黃閣公才尚黑頭
乞歸丹疏入言佩尺書投岩望宜專坐朝銓且七騶離心
眷蘭菊別韻起梧楸冠蓋鴻臚道干旌白鷺洲月卿爭祖
席雲從識仙舟去欲蒐戎乘行將咏德輶鳳洮鳴鏑徧雲
朔羽書稠汧渭秦非子河源漢列侯羗胡形欲詭將相語
猶偷馬穀經年減燕金茂處求英雄懷鐵劍形勢借金甌

老亦趨千里今何問一丘駿圖周罔得戎議傳咸優並事
今吳趙看君展一壽

盧溝曉望

氣脉開玄朔晴霞動紫氛龍隨天闕曉虹度井陘雲冠蓋
泥塵合旌旗落月分參差鎬池見隱約渭橋聞草繡榮光
繞花滋淑氣薰今朝玄灞曲西笑益氤氲

萬侍御赴判劍州過金陵君以邊事論政府行

紫氣通華岳黃圖闢草萊地遙金柱接天廣玉門開雪嶺
燕支逼湟池曳落廻安攘餘上策駕馭失雄猜世數鳴沙
積風塵壘壁摧市和虛內帑買爵富中台醉吏囊誰問疲
儒轂浪推飲河清涸赤食月白星灾萬里城危感三公網
數恢借籌沉漢幄折檻起雲臺字挾披肝苦章飛戰血哀

叫閤心展轉臥閣語徘徊鬼謁能煬日神奸不畏雷繡衣
翻遠影封事委浮埃墉隼掀難下臺烏落未回敵人乘障
舞壯士隔河哈角韻寒吟徹鷄鳴暗舞催春王回斗柄月
將在河魁冰雪陰將解風雲氣自培秦中初折柳江外與
題梅去色連雲棧歸心灑瀕堆叅軍髯自好灑洒絕倫才

秋日西池

池上到秋光登臨愛夕陽鏡中蒲柳色衣上芰荷香聽雨
初留履當風一據牀猗蘭延客語高菊采鄰芳紫翠連山
瞑晴陰隔水涼坐看人世小仙馭白雲鄉

陽江避熱入海至澗州夜看珠池作寄郭廉州

春縣城猶熱高州海却涼地傾雷轉側天入斗微茫薄夢
遊空影浮生出大荒烏膾藏黑鬼竹節向龍王日射澗州

郭風斜別島洋交池懸寶藏長夜發珠光閃閃星河白盈
盈煙霧黃弄鮪珠有泣盤露滴君裳

謫尉過錢塘得姜守冲宴方太守詩恹然成韻

旅客如吳會同人在水陽笑迴花壓帽泣別酒沾裳獻賦
登枚氏修文下沈郎暮雲春穀冷秋草敬亭荒獨歎題輿
此曾邀數騎將雨齋深蟋蟀晴檻淺鴛鴦共夢常千里相
思偶一方尚持心膽素稀覺鬢顏蒼道舊才難盡時新意
易傷禮卑存授簡興劇儼垂堂擲地詩成響兼春木吐香
煙霞移几閣山水過舟舫市筑留還俠輿歌接似狂魂來
多白岳人去獨滄浪自愧紛吾久還疑向若茫今朝擘瑤
草還自惜餘芳

七言排律

奉贈趙宗伯十四韻

天水璇源鬱上宗王松真氣接吳淞干霄蚤映長虹色隱
海全窺大壑淙池上白龍浮冉冉河陽金鳳出漭漭徵書
北闕行蓬苑祭酒西都領辟雍通籍舊叨延杖履奉常新
入聽歌鐘得臨南部山川美幸典春祠歲月從積霰峩峩
山嶺桂餘風謾謾澗中松年華極目催三秀春草歸心畧
五茸未擬經筵臨白虎先看畫室正銅龍光輝自合重明
麗恩澤長分湛露濃雷瀟千年逢少海雲攢四岳辨中峰
股肱漢室丹青事羽翼商山雲壑蹤相國門前瞻玉樹懷
人江上寄芙蓉獨憐卽位鍾陵下霄漢遙遙望九重

嶺外初歸讀王恒叔點蒼山寄示五岳遊欣然成韻

封章瓊闥移晨病世事陪都接夜談芳草遠山萋盡碧暮

雲江水翠成藍風光掩映徒留臥官興蕭疎許放叅燕趙
金河餘氣色瀟湘桂水自晴嵐青妃出日峰前笑玉女明
星掌上探委羽雁湫三竺下點蒼雞足五雲南雲霞踐陟
真能勇碑版窮搜亦似貪自我園陵新酌飲爲郎漢署宿
香舍傷心有客梅難寄生意何人樹不堪瘴嶺夜珠迴合
浦臨川小築寄香楠閒遊幾地思公子婚娶何年到小男
蠻部碧雞光縹緲昆池神馬暗趨羣公且看青鏤筆未
老那抽綠玉簪獨怪登高易憔悴不應漁父莞湘潭

和方玉成十二韻

天杼山迴煙月餘長年發興自匡廬爐香合沓青華蓋瀑
練分明玉佩裾拂匣斗牛趨劍浦射蛟風雨出龍舒溢城
雪照秋雲白鍾寺紅殷海日虛托道茫茫初向若經知渺
渺欲愁予歸休事業留華闕籍甚文章付石渠千里明知
琴內託十年幽客鏡中噓猶龍氣色周藏史衰鳳吟壑爽
接輿但着佳時長度曲時因妙處一傳書粗拚卷帙論心
後盡倒衣裳識面初興劇漉巾差有酒驩非彈鋏敢無魚
能來更作蛩然喜况復他時使者車

五言絕

遷祠部拜孝陵

寢署三年外祠郎初報聞臣心似江水長遶孝陵雲

送汪主客

酒寒瀕別君燈火欲紛紜今夜籬門月殘年江上雲

浪石灘

雨濕瀕陽暮風鳴浪石寒鷓鴣飛不起橫過釣絲灘

廣城

書題小雪後人在廣州迴不道雷陽信真成寄落梅

恩平中火

海氣層雲盡山煙遠燒浮孤臣隨早晚一飯是恩州

海上雜咏

小罌青種子割雀最知風每歲初春夜高飛鳴向東
水飯田家女春歌踏和聲火雞催欲早莫聽陌頭鶯
耳帶山雞白微低撫翼聲客牕何處曉海色最先鳴
菁絕瓊西路能言是了哥何時呼萬歲賽却隴禽多
破敵鷓鴣淺爲雄翰羽粗一般藍翠好長鬪白山呼
月晦來書蠟脂膏脫蒲筐紺花浮犀箸一坐共泥香
見說臨川港江珧海月佳故鄉無此物名縣古珠厓

碧樹琅玕石瓏瓏金玉聲平生鉄如意愁惜爲君輕
嶺俗檳榔重盈門過禮時銀刀飛寶匣日日摩花枝
秋色藤花晚青香子欲圓相思不相識紅豆在君邊

陽穀店

獨來陽穀店遠屋是青山似有江南色蕭蕭簷樹間

呼春鳥

日日呼春鳥殊陽到月西不知春欲去還向恨人啼

雁山

借問採茶女煙霞路幾重屏山遮不斷前面剪刀峰

韶石

舜帝南巡日傳聞此地迴秋風響靈峽還似鳳飛來

曲江

古驛芙蓉外，煙林晴欲開。曲江秋色晚，木末幾徘徊。
平昌間右武，被逮慘然作。
獨有豐城劍，千秋氣不銷。長平一杯酒，還合祭臯陶。

楚江

蒹葭淺碧，潏潏遠晴。山翠新輕，波蕩柔櫓。江暖最宜人。

七言絕

戲答宣城梅禹金

飛鸞相泣並栖柯，公子乘舟艷綺羅。記得長干九垂手，秋清木葉水微波。

送秦次君之汴

朝雲鄣日望南州，一曲蘭歌清漢流。爲過雙溝莫留恨，月明無限吹臺秋。

賈胡

金釵擊鼓醉豪呼，桂樹高樓啼夜烏。不信中秋月輪滿，年年海上看明珠。

秀州

雨濕松陵春滿煙，杏花榆莢映新田。不知何處謳歌好，東柵平湖日夜船。

新林浦

凌陽浦里雜花生，曉屋鳴鳩春樹晴。昨夜南溪足新雨，轆轤不見踏歌聲。

青陽道口

博山橋上晚煙吹，花氣晴雲煖石池。解道青陽人易老，道傍仙冢故纍纍。

江宿

寂歷秋江漁火稀
起看殘月映林微
波光水鳥驚猶宿
露冷流螢濕不飛

寄林巴陵

漢西門上月華流
灃浦湘君玉佩遊
借問仙鳧何處遠
白雲飛滿洞庭秋

送人入蜀

曉曉津樹曉帆開
簫鼓秋聲遠岸回
無事江關卽惆悵
劔南猶有望鄉臺

張老別

空江積雨忽朝霞
歸去吳淞處士家
爛醉莫嫌秋鬢白
前重對玉簪花

廣南聞雁

傳道衡陽有雁迴
炎州片影更飛來
似憐遷客思歸處
帶鄉心過嶺梅

漫書所聞答唐觀察

蘭署江南花月新
封書纔上海生塵
心知故相嗔還得
直是當今丞相嗔

除夕遣囚

除夜星灰氣燭天
餘酥銷恨獄神前
須歸拜朔遲三日
盪見陽春又一年

粵裝見祁羨仲刀子

桂瘴來時青氣深
七星巖畔寶刀沉
交遊半百逢生處
燕市悲歌一片心

關南上橋寺候黃觀察善卿殯不至
不可攀留夢已殘殯虞歌斷五更寒黃泉咫尺淹如此得
似人間行路難

戊戌再覲回宿龍潭驛

誰向歸舟唱一聲玉蘭花盡牡丹榮似憐遊子春三月纔
換江南第一程

漢宮秋

千門河漢夜雲收風起高堂紅燭流直是井梧心未死聲
聲還泣漢宮秋

侍宸殿贈益藩老內史

玉皇當日舊貂璫白髮官牌翠佩長掃地焚香春殿裏
延祠客奉君王

送洪雲林入都暫過毘陵

雲林幾宿得尋遊夢入吳江煙雨秋爛醉芙蓉池上別
年聞雁在何樓

送郡丞雷實先還郢

聽鶯出谷意能無作賦新知楚大夫正與登高容易別可
憐春色在江湖

送朱懋忠當湖

傲吏逢迎氣欲降輕風微雨富陽江當官正是清和節陶
令清閒臥北牕

聞瞿睿夫尚留章門睠然懷之

四十年前燕市驚蒼茫重見豫章城不知流寓千年後得
似長沙與正平

章門送劉冲倩之虔臺

相逢不惜曲求權折柳今當心緒殘
行到水西春未老紅梅還寄一枝看

送張積之饒陽

貧家經典作庖厨旅食尋常瘦似初
慚愧天文與鍾律汝家張敞獨遺書
故以孝廉知天文鍾律待詔家有樂書云

絮上人重修棲賢

千秋少室起寒煙達老黃龍意已傳
石如雷轉空谷年年風雨夜安禪

蜀客歸娶

窮愁何必是他鄉百歲為權一日強
春盡峨眉見歸客獨裝傾出海棠香

建安王馳覬薔薇露天池茗却謝

已過西風白露滋天池寒色映青瓷
梁王憶得相如酒正是幽蘭醉雪時

陪張師相桃花嶺

桃花峰裡吹參差皓鶴驚飛王母祠
為報文成休辟穀天書來下帝王師

玉版師別意贈貞父所種寺笋

雨濕疎鍾時看雲月殘紅寺照初曛
不應便作題門去五六年來為此君

卓老

自是精靈愛出家鉢頭何必向京華
知教笑舞臨刀杖爛醉諸天雨禩花

華西寄王道服岳伯

昊氣金河靜鬱盤峰中人語白雲端初窺玉井樓頭坐十
丈蓮花掌上看

西峰瀑濺雨廉纖星宿飛騰掛玉簾落日滿山松色動倒
吹蒼嶺作龍髯

西望乘雲見帝鄉通天還自在車箱蓮花別起清寒色玉
女頭盆下玉漿

送周仁父遊梁

鴻雁高飛海色空河橋秋發暮雲東書生解作相如賦歲
晏梁王在雪宮

近袂贈莆田藍翰卿往襄陽便過其先人隨州刺史
祠下

楚客曾同章水西滿樓風雨杏花低今朝寒食仍音水閒
殺花枝發大堤

春風忽作武昌遊官柳蘇蘇繫客舟莫過峴山輕下淚汝
南碑在古隨州

臨章別

亂帆秋影半江樓燕語滄浪傍客舟便去揚州且明日故
鄉今夜有人留

南州門人雪中來問業贈之

斷臂都無世上情少林人自雪中行文章薄伎何須此亦
有前程一苑生

王孫家踏歌偶同黃太次時粵姬初唱夜難禁之曲

不須重上泛湖船碧玉王家小洞天上客何來看歌舞暮

雲微雨最宜憐

甲申見遍北驛寺詩多爲故劉侍御臺發憤者附題
其後

江陵罷事劉郎出剋蓋悲傷并一埭爲問遼陽嚴譴目幾
人曾作送行詩

過縉雲

日上扶桑海氣收仙人榜上記曾遊祇愁怪石能生長不
遣陽冰一字留

賦

青雪樓賦四明戴公萬曆庚辰歲予遊太學時祭酒
也公容情俊逸談韻高奇於諸生中竄受風賞
春涉秋寃日餘夜公私之致兼窮禮樂之權無吝

辛巳以失意江陵相致仕里居而予亦跼於江外
已丑予徙官南祠得公手書云前塋婦徐青山山
自天台來其前雪竇山來從四明相當也夾以公
棠建溪前以剡水橫合而東北靈海胥其窟矣若
乃關流扞門隨迎主賓金魚之阜玉鏡之池玄武
碧雞之狀仙人文曲之星察其地貌蓋亦他日歸
真之宅也夫沒爲堂房生爲樓觀考槃其中名以
青雪四窓四明蒼翠如織步吟徙倚甚以自適吾
弟達者爲我賦之以示後人感而賦焉

若夫越國君子翰林主人江海空明之氣風霞秀上之神
既有情而有望亦信美而且仁雖慙吾之寡韻獲勝引於
成均坐東堂而賦竹過西池而采蘋圖史之觀入夜琴歌

之醉兼旬素風期于道業雅致激于清塵乃以東閣嫌猜
南臺惠誤本生世之難諧豈時人之法度念衮職其難補
謝榮衢而息鶩眷人義之壇場問風雲之徑露溫白雪子
之畏人姑射仙人之飲露非息陰而取機且緣生而發寤
曙霞標其可驚布神光乎赤城度星台而折彩閃鬱郁於
徐青影玲瓏之雪竇洞葩華兮四明左棠溪之溜莅右建
渚之葱縈織交流於翠剡歸榮光乎赤溟洞壑宮商之響
陵阿鳥獸之形象委宛以靈和氣參差而淑清青岳之靈
魚泚泚雪峯之寶鏡熒熒吾山有終焉之志斯丘懷可樂
之情志有悲而未陳情有驩其必薦映渠陌之通月暎林
霏之箐情藹生香其發越縛泥津而換泣皐壤幕而附
草樹花而晴絢適蒼莽以忘懷撫高深而滯眷矯樓臺而

一日敞軒薨於四面納陰陽而吐心視山河而下見東井
通日月之華北斗飲風霞之彥客至而棲雲讓席人去而
生煙拂薦近深心其自遠迥遺形而故衍挹靈華於清府
望仙人乎海縣想勝業之悠綿限情期之涉踐相毫釐而
密移恃神明其未變惟人生之去來像潮音之出沒偶愜
寄於山川又奚分其宅窟襲光氣之流離藉陰暉之隱鬱
撫靈娟兮發生悲先朝露兮掩金骨指同穴以爲期念皎
日以明發依松柏之明庭托粉檟於靈越旣連理之在茲
庶畫衾之無缺遲鳳靡於金泉訂鸞訛於石闕渺同室之
春秋凜便房之歲月想霜露於容堂且醉歌乎林樾極平
生之眺聽冀遊魂之恍惚隔地脉之幾何謝人權於倉卒
玩傳薪於竟指候滄桑於窮髮來未詮其所根去不知其

何物苟來去之無存自欣愁之可拂就林穴而何怵暫登
樓而靡他善飛沉之暢悅佳草木之猗那思美人兮瑤草
蔭山鬼兮女蘿奉浮生於尺晷懷佳期於寸波悲千秋其
未弭懼一日而已多唱蟋蟀於軒堂邈寤寐於陵阿寄流
光於夜宅欣蚤計於前和迴甘露之雞鳴聽落水之虞歌
達生之能事也卑微躬之滯累伊何澹春華於曉署颯秋
光於夕河昔樹人兮桃李今懷仙兮菱荷尚風雲其未已
乘樓觀以經過及真人之無恙貯靈想於羲娥

虎賦予罷巴丘南百折山
道士善檻虎為兩函
桁之以鐵中不通也左闕羊而開右以八虎懸機
下焉餓之抽其桁出其爪牙楔而鋸之緼其子以
重餓之飼以一銖之肉而已久則羸然弭然始飼

以飯一杯菜一盂未嘗不食也亦不復有一銖之
肉矣以至童子皆得飼之已而出諸囚都無
道士時與撲跌為戲因而賣與人守門以為常率
虎千錢大者千五百錢初猶驚動馬牛後反見犬
羊而驚矣或時伸腰振首輒受呵叱已不復爾常
置庭中以娛賓月須請道士診其口爪鑄剔擾洗
各有期道士施其業廢予獨嗤夫虎雄蟲也貪羊
而窮以至於斯辱也賦之

夫何山中之一獸兮受猛質於西旻貌低團而項挺鼻黥
隆而齒齷目斜匡而電爍聲倨頷以雷殷舌理粗而莖樹
鬚鋒橫而獵人爪含銛而卷曲尾拂彗而緼伸咤形模其
足怖矧威勢之絕塵靜嘯而陰飈率起坦步則稠林自分

溟氣候之相制隱形勢而見尊况屈曲之山巖常此窟之
成羣黃斑屬而臥隴白額連而飲津初涉味於牛馬遂舐
及於人民戶震懷而屏徙雖重遷而遠藩獨無生之道士
故有心而與鄰力不加於子路術不詭於黃神布石關之
宛轉交織葉以續綸界鳴羊於接檻誘聞羶而見循進密
歷以窮路置蹢躅而下門遂乃聊浪擲跌偃仄輪囷始愴
耗而怒勇久牢騷而意煩氣屈而斲力瘁以竣壙局拘而
勢改積威約而意平於是道士欣焉待旦及晨舉之於懸
處餓之以兼旬見威神之委頓任處置之紛紜未陷頭而
拔鬚先胷爪而駮蹠振權牙於巨斧磨刺舌以流口香泔
變其腸胃清水洗其喉唇初猶啖以碓肉次則習以盤
或設以糗粒之餘或投以菘芥之根既苦饑而伏檻敢擇

